



SEBAHAGIAN peserta yang mengikuti pelbagai kursus di CENFED, UMP.

Oleh Ainal Marhaton Abd Ghani
bhnews@bharatan.com.my



AINAL MARHATON ABD GHANI/BERITA HARIAN
CENFED turut mengadakan kaunter promosi usaha menggalakkan pihak industri, swasta dan kerajaan menjalani pelbagai kursus kemahiran dan akademik yang ditawarkan.

CENFED sedia latihan profesional

RH(M)Azak) Ilinis 7/2/11 ms6

Program pengajian berterusan tingkat kemahiran masyarakat dalam ilmu

KUANTAN: Pusat Pengajian Berterusan dan Pembangunan Profesional (CENFED), Universiti Malaysia Pahang (UMP) ditubuhkan pada 2004 dengan fungsi menyelaraskan latihan, latihan semula, peningkatan kemahiran, pembangunan latihan profesional dan pengurusan program pengajaran berterusan.

Penubuhan pusat ini bertindak sebagai pemangkin dalam mengaplikasi latihan profesional kepada masyarakat dan perusahaan seperti terkandung dalam Perancangan Strategik UMP 2008-2010, iaitu Pembelajaran Sepanjang Hayat.

Ia selaras dengan Teras Keenam Pelan Strategik Pendi-

dikan Tinggi Negara (PSPTN) Kementerian Pengajian Tinggi (KPT), iaitu membudayakan Pembelajaran Sepanjang Hayat (PSH).

Pemangku Pengarah CENFED, Jamil Basri, berkata antara lain, objektif pelan strategik itu ialah memastikan PSH menjadi satu gaya hidup masyarakat Malaysia bagi melengkapkan diri dengan ilmu pengetahuan dan kemahiran sepanjang hayat.

"Pelan itu juga bertujuan menjadikan PSH pemangkin kepada pembentukan organi-

sasi pembelajaran di setiap organisasi dan meningkatkan mekanisme serta prasarana sebagai tambahan nilai pelbagai ilmu dan kemahiran mengikut minat dan kehendak masyarakat semasa," katanya.

Jamil berkata, sebagai pusat pembelajaran sepanjang hayat yang ulung di pantai timur, CENFED menawarkan latihan berterusan dan latihan pembangunan profesional dengan fokus kepada pegawai dan kakitangan syarikat yang terbabit dalam sektor perindustrian, perkilangan dan pembinaan.

"Kita mahu melahirkan lebih ramai individu yang berkemahiran dan pendidikan tinggi di bidang masing-masing dan CENFED mampu merealisasikan impian itu."

"Walaupun baru tujuh tahun beroperasi, CENFED mendapat kepercayaan daripada pihak industri dengan menghantar pegawai dan kakitangan mereka mengikuti pelbagai kursus ditawarkan bagi meningkatkan pengetahuan dan kemahiran masing-masing," katanya.

Beliau berkata, CENFED ditubuhkan dengan objektif

mewujudkan program latihan semula, latihan berterusan, peningkatan kemahiran dan pembangunan latihan profesional di UMP serta menyelaras, menyediakan peraturan dan garis panduan dan membuat polisi akademik program latihan semula, latihan berterusan, peningkatan kemahiran dan pembangunan latihan profesional.

Dengan visi menjadi pusat pendidikan dan kecemerlangan yang berkualiti meliputi semua aspek pembangunan profesional dan pengajian ber-

terusan, CENFED menyediakan dan mengendali paket latihan dan kursus dan membantu entiti UMP dalam kegiatan penyebaran dan perkongsian pengetahuan seperti persidangan, seminar dan bengkel.

Beliau berkata, CENFED menerima persijilan MS ISO 9001:2008 bagi Latihan Luaran.

Sehubungan itu, mereka yang berminal boleh menghubungi Pegawai Pemasaran dan Pembangunan Bisnes CENFED, Zainal Bahari di talian 09-5492629 atau layari <http://cenfed.ump.edu.my/>.